

MOZIO ARRUNTA

OSAKIDETZAK DONOSTIAKO ANBULATEGIETAN HARTUTAKO ERABAKIEI BURUZ

EH BILDU udal taldeko bozeramaile Juan Carlos Izagirre Hortelano, Udalbatzaren Organo Araudiko 98. artikulua oinarri, honako MOZIO ARRUNT hau aurkezten du, Osakidetzak Donostiako anbulatorio batzuetan hartutako erabakiei buruz.

JUSTIFIKAZIOA

EAEko Osasun Sistema Publikoaren, Osakidetzaren, egoerak okerrera egin duela azkeneko urteetan diagnostiko bateratua da une honetan, indar politiko guztiek eta herritarrek horrela bizi eta onartzen dute. Egoera honetara zergatik iritsi garen ere eztabaidagai izan da azkeneko urteetan.

Esan bezala, behingoz, badirudi egoerari buelta emateko asmoak badaudela, eta Eusko Jaurlaritzako arduradunek urrats batzuk eman zituen legealdi honetako hasieran norabide honetan.

Arazo estrukturalak konpontzeko denbora beharko da, eta ez dira soluzioak etorriko egun batetik bestera. Baina kezkatuta gaude gure hirian Odakidetzako arduradunak hartzen ari diren erabaki batzuekin, eta hiru aipatu nahi ditugu zehazki gaurkoan.

EAGren egoera larria da. Azkeneko urteetan gune zentrala Bengoetxea kalean egon da eta beste bi anbulatorio irekitzen ziren asteburu eta jai egunetan, 12 orduz, zerbitzua indartzeko, Grosekoa eta Amara Berrikoa.

Errefortzu hauek medikurik gabe egin behar izan dute lan egun askotan azkeneko hilabete-urteetan, herritarrek jakin ezin zutelarik bertaratzen zirenean medikua egongo zen edo ez.

Gauza bera gertatu da Bengoetxea kalean txanda askotan, eta guzti honek zerbitzuaren kalitatea n eragin eta herritarren haserrea piztu du.

Abenduaren hasieran, bapatean eta aurretik langileak eta herritarrak informatu gabe, Amara Berriko anbulatorioak ez zituela errefortzu horiek egingo komunikatu zuen Osakidetzak.

Honekin lotuta, bigarren kezka. EAGren egoera orokorrean larria da, baita Bengoetxea kalekoa ere, txanda batzuetan ez delako osasun-profesional nahiko egoten eta EAG gunea lekuz aldatzekoari buruzko informazio falta dutelako. Parte Zaharreko anbulatorio berrira lekualdatzea zen ideia, baina egin diren obren ondorioz badirudi ez dagoela leku fisiko nahikoa zerbitzua oraingo baldintzetan emateko. Honek zalantzak eta susmoak sortzen ditu eta behar-beharrezkoa da egin nahi dena adostea, argitzea eta langileekin eta herritarrekin partekatzea.

Azkenik, Egiako auzoan ere kezka handia dago anbulatorioaren egoerarekin. Kontzentrazioak egon dira aurreko asteetan eta manifestazio bat ere antolatu dute urtarilaren 17rako. Osasun-pertsonalenzako ordezkorik ez dela jartzen da arazo nagusia, honek suposatzen duenarekin: pediatrik falta, erizain gutxiago eta abar. Arazo hau orokortua baldin badago ere anbulatorio guztietan, Egiako kasua ekarri dugu adibide bezala auzoan sortu den mugimenduengatik.

Horiek horrela, EH BILDU udal taldeak honako **mozio arrunt** hau aurkezten du:

MOZIOA ARRUNTA

- 1.- Donostiako Udalbatzak hertsatuki eskatzen dio Eusko Jaurlaritzako Osasun Sailari Donostiako anbulatorioan murrizketa gehiago ez egitea, profesionalen bajak, baimenak eta antzekoak behar diren ordezkapenak eginez, eta beharrezkoak diren profesionalak anbulatorio guztietan egongo direla bermatuz.
- 2.- Donostiako Udalbatzak hertsatuki eskatzen dio Eusko Jaurlaritzako Osasun Sailari Amara Berriko anbulatorioko EAG berriro irekitzea, eta behar izanez gero bertan eskaintzen ziren zerbitzuak osatzea.
- 3.- Donostiako Udalbatzak hertsatuki eskatzen dio Eusko Jaurlaritzako Osasun Sailari behingoz adostu dezala langileekin eta argitu dezala non kokatuko den Donostiako EAGa.

Donostian, 2025ko urtarrilaren 10ean

Juan Carlos Izagirre Hortelano
EH Bildu udal taldearen bozeramailea